

北洋官報

目錄

官門抄 上諭

奏議○禮部奏 萬壽節恭送賀表摺△憲政編查館奏
會請禁革買賣人口辦法摺

摺片十二則

公啟○督憲札一件△永定河道詳一件

文告二則△畿輔四則△各省四則△各處六則

彙編○憲政編查館奏定自治章程

已西官報目錄

圖書○肥鄉縣巡警馬隊官師巡兵合影

本報今日加印照片一頁

本日增刊己酉官報目錄一頁

本局第一百二十五期法政學報已出

宮門抄

正月十二日 陳寶琛假滿回京請

安琦侯續假二十日

召見軍機 陳寶琛

上諭

正月十二日內閣奉

上諭二月初四日祭

社稷壇遣載功恭代行禮欽此

奏議錄要

禮部奏

皇上萬壽聖節賀表恭送內閣摺

奏為奏

聞事宣統元年十二月初十日奉

上諭禮部奏萬壽聖節應否照案行禮一摺明年正月十三日

萬壽殿在宮內恭詣

隆裕皇太后前行禮王公百官均勿庸行禮等因欽此恭照宣統二年正月十三日

皇上萬壽聖節王公百官及將軍提鎮等慶賀

皇上表文應由臣部照例恭送內閣爲此謹奏宣統二年

正月初四日奉 旨知道了欽此

憲政編查館會奏彙案會議禁革買賣人口舊習酌擬辦法摺

奏爲彙案會議禁革買賣人口舊習酌擬辦法恭摺仰祈

聖鑒事光緒三十二年三月初一日署兩江總督周

馥奏買賣人口有傷天地之和未洽文明之化請

旨禁革以昭仁政一摺奉

硃批政務處會同各該部

議奏軍併發欽此宣統元年正月十六日陝西道監察御史吳焜炳奏置買奴婢惡習宜除請

旨嚴行禁革

以昭仁政而重憲法一摺欽奉

諭旨著憲政編查館知道欽此查周馥原摺內稱中國三代盛時無買賣人口

之事惟罪人乃爲奴隸周衰始有鬻身之說奏漢以後變而加厲以奴婢與財物同論不以人類視之生殺悉憑主

命我朝定例逐漸從寬白契所買奴婢與僱工同論奴婢有罪不告官司而毆殺者治罪疊次推恩有加無已然

仍准立契買賣本源未塞徒挽末流補救終屬有限貧家子女一經賣入人手虐使等於犬馬苛待甚於罪囚呼籲

無門束手待斃慘酷有不忍言者泰西歐美各邦近年治化日進深知從前競尙苦奴爲野蠻陋習英國廢數千萬

金幣贖免全國之奴美國則以釋奴之令兵爭累歲卒盡釋放義聲所播各國從風我朝振興政治改訂法律百

度維新獨買賣人口一端旣爲古昔所本無又爲環球所不避擬請 特沛殊恩革除此習嗣後無論滿漢官員

軍民人等永禁買賣人口如違買者賣者均照違

制律治罪其使用奴婢祇准價僱仍議定年限以本人過二

十五歲爲限。限滿聽歸本家。無家可歸者。男子聽其自立。女子由主家婚配。不得收受身價。納妾祇准媒說。務須兩相情願。不得抑勒。母家准其看視。仍當恪守。妾媵名分。不許僭越。又吳緯炳原摺。內稱天地有好生之心。帝王以仁民爲本。方今預備立憲。全國人民。其俊秀者。固宜隨時培養。其微賤者。亦須一視同仁。若以窮苦無告之民。聽其互相買賣。淪於賤役。致令虐待。慘無人理。非仁政所宜有也。查徵甯世僕。嘉慶年間。早經開豁。浙江墮民。近已設立學堂。准其出業。新民善政。薄海交稱。而奴婢一項。同居人類之中。竟列良民以外。在憲法固無偏枯之理。則

皇仁方以普及爲公。應請置買奴婢一事。永遠革改。嗣後滿漢官員軍民人等。需人工作。祇准僱作。工不准買。爲奴婢。凡納妾者。祇准媒說。不准立契。價買其從前原有奴婢。皆以僱工論。有犯照僱工科斷。所有律例內。關涉奴婢各條。均予刪除。庶國無賤民。皆歡欣鼓舞於 聖仁之世。擬請 敕下憲政編查館。會同修律大臣。連同周馥原奏一併核議。妥訂條例。請 旨施行。各等語。臣等伏查周馥前奏。政務處未及議覆。旋即裁撤。今吳緯炳奏請

一併核議。自應彙案辦理。竊維立憲政體。首重人權。凡屬圓顛方趾之儔。皆有特立獨行之性。若互相買賣。奪其自由。視同犬馬。與 朝廷頒行憲法之宗旨。顯相違背。非所以廣 皇仁。示列邦也。是買賣人口一事。自應禁革。毫無疑義。而論者每多慮其不便。若不詳加推究。終無以釋衆人之疑。立率由之準。今試綜而論之。不便之故。約有數端。一謂諸王府中。有不便也。查王府包衣人。向准考試。出仕既非尋常。奴僕可比。又世居戶下。亦非罪隸之徒。本

與買賣人口之案。無涉。惟奴婢律例。若有變革。則王府屬下人。亦應一體遵辦。所關係者。此耳。在王府屬下人。其中多有品官。初不若尋常。奴僕之淪於賤役。按之唐律。其隸屬之情。事與部曲約略相似。唐律殺奴婢。與毆部曲。罪有差等。則此項屬下人。本不當與奴婢同科。今量予變通。法理自當如是。此未可拘牽舊制者也。一謂滿蒙官員之家。有不便也。查 國初旗下家奴。於賞給投充之外。半由契買。故定例有分別紅白契之專條。近數十年來。賞給功臣之法。早已停止。投充契買。亦久無聞。大抵因爲奴者。易逃難育。相戒不用。其所驅使之。人亦多出於傭僱。惟世家大族。從先遺留家奴之子孫。尚不乏人。猶累世不能脫離。奴籍。漢世免官奴婢。爲庶人。本紀屢書。唐代官奴婢。年七十者。免爲良人。載在六典。古人良法。班班可考。初無世世爲奴之理。卽現行例內。亦有數輩勤勞。願聽贖及累代出力。放出爲良。諸條以功令而論。亦未嘗令其世世爲奴也。此輩跟隨主家。必皆數輩後之子孫。閱時二二百年。徒以

未放未贖世世被以奴名其情亦殊可憫今 朝廷既沛 殊恩天下人民不復再有奴籍此輩亦未可獨令向隅但既令放免亦不易行惟一律以僱工相待則主僕之名分仍存於主家毫無所礙而此輩得霑 國家一視同仁之澤獲與齊民爲齒實變通之良法也一謂鬻婢之家有不便也今買奴之風久熄而鬻婢之家不獨滿漢官員大族卽中人小康之戶莫不有之蓋以使用婢女較之傭婦爲便此等習慣勢難禁斷若改買賣爲僱傭恐此輩恃僱傭不聽指揮或親屬人等常來看視致有勾串逃盜等情事不知價買之婢無從驅逐或慮其不聽教令難於管束若本係傭傭則不聽指揮儘可遣去另僱何難之有至於婢女逃走係因賣身不能自便是以潛逃若由傭僱而來如有不合可以明言告退何必私逃世間但聞有婢女逃走未聞有傭婦逃走其明證也自來鬻婢之家在良善者相待既寬及年之後嫁人爲妻妾必得其所原與使奴之惡俗迥殊若遇殘忍之人或非法毆打戕賊其生命或衣食缺乏凍餓其體膚種種凌虐慘不可言如改買賣爲僱傭此風庶可少殺洵王者好生之仁政也以上諸端實屬均無窒礙至奴婢僱工雖有區別而律例內罪名從同之處本屬不少惟鬪毆故殺則定罪輕重攸殊在奴僱於家長奴重傭輕第僱工毆家長死者絞決謀故斬決罪名已特重於凡人當此減輕刑法之時照此科罪實亦不爲寬縱若家長於奴僱奴輕僱重故殺奴婢不過徒一年毆死僱工者已擬滿徒故殺者卽擬絞抵人或以此爲疑議不知奴亦人也豈容任意殘害生命固應重人格尤宜尊重未可因仍故習等人類於畜產也方今 朝廷頒行憲法疊奉 諭旨不啻三令五申凡與憲法有密切之關係尤不可不及時通變買賣人口一事久爲西國所非笑律例內奴婢各條與買賣人口事實相因此若不早圖禁革迨實行憲政之時將有格不相入之勢臣等公同商酌擬請准如該督該御史所奏將買賣人口之事 特旨禁革嗣後無論滿漢官員軍民人等不准以人口互相買賣違者治罪其使用奴婢祇准價傭納妾祇准媒說從前原有之奴婢一律以僱工論身體許其自主有犯按僱工科斷並不輕縱所有律例內關涉奴婢諸條悉予刪除以廣 皇仁而符政體至其辦理條款謹就周馥原奏清單悉心參核酌擬十條開具清單恭呈 御覽此事掃除數千年積弊爲曠古未有之盛舉足以感薄海之人心動環球之觀聽應請 明降諭旨宣布德音 敕下各省刊刻謄黃徧行張貼俾衆周知其律例內關涉奴婢諸條臣等正在核訂現行刑律卽當查明刪改以昭核實而便引用所有臣等遵照彙案會同核議緣由理

合恭摺具陳伏乞

皇上聖鑒再此摺係憲政編查館主稿會同修訂法律大臣辦理合併聲明謹 奏宣統元年十二月二十一日奉

旨著依議欽此 (條款另錄)

摺片摘要

江督張人駿奏請以趙長發借補提標外海水師南匯營都司摺正月初九日奉

硃批該衙門議奏

又奏請以宋桂林補外海水師南匯營游擊摺同日奉

硃批該衙門議奏

又奏高郵州助賑之王元善等實係王壽誠請更正片同日奉

硃批允行該部知道

又奏請以蕭定拔補鎮標右營游擊摺同日奉

硃批該衙門議奏片併發

又奏請仍以謝培基升補蕪湖營游擊摺同日奉

硃批覽

又奏徐州土藥統稅總分各局一律裁撤片同日奉

硃批該部知道

又奏候選道蔡鴻勳捐助賑款請 賞頭品頂戴片同日奉

硃批蔡鴻勳著賞加布政使銜

又奏請以邵茂春等補裕溪營參將各缺摺同日奉

硃批該衙門議奏單併發

粵督袁樹勛奏請以榮鳳祺試署乳源縣摺同日奉

硃批吏部議奏

又奏試用鹽大使趙遐齡期滿甄別片同日奉

硃批吏部知道

又奏請以下廣升補廣州協副將摺同日奉

硃批陸軍部議奏

又奏署提學使陳伯陶之母助賑請建坊片同日奉

硃批允行該部知道

公牘錄要

督憲陳通飭各屬申明禁煙功過文

為通飭事照得近年實行禁煙為民除害

朝廷功令極為森嚴本部堂蒞直以來檢查成案疊經各前部堂申

明定章嚴飭遵照但使通省僚屬實力辦理不患不滌除舊染咸與維新惟查禁煙之道不外乎禁種以絕其源禁

吸以遏其流而禁吸苟未拔根株則禁種亦難收效果是禁吸尤為切近之要圖大凡吸煙之人以下流社會為最

多直省幅輒較廣戶口綦繁禁吸一事在官場尙易於稽察而閭閻則耳目難周在城市猶易於奉行而鄉僻則玩違難免若非地方各官隨時躬親其事逐一調查終恐陽奉陰違久而無效應即通行整頓嗣後官員禁吸仍由禁煙公所查照成案切實經理其民間禁吸應即責成各牧令等剴切勸諭嚴密稽查無論各鄉各鎮務須周歷察看倘有偷開煙館無照私吸情弊立即究明重懲以儆效尤仍宜多設戒煙會所寬備戒煙方藥廣爲施治救濟貧民至禁種一門亦應責成州縣遵照定章分別查辦勿任民間逾限私種尤須提倡勸導改種一切穀木化莠爲良以上各節統由禁煙公所隨時督率照章稽察勤惰分別功過詳請勸懲勿稍徇庇是爲至要除分行外合亟札飭札到該司道即便查照切切此札

永定河道詳永定河設立客籍兩等小學堂請立案文附清摺並批

爲詳請立案事竊據南岸同知等五廳河營都司等三營暨二十一汛汛員並候補廳汛各員等五十一員聯名稟稱竊以欲興學務先自小學入手東西各國咸注重之查永定河從前原有小學堂一區設於蘆溝橋專課河員子弟三十一年冬緣該處地非適中管理不便遂改附於固安縣高等學堂之內額僅二十人每年由庫發給津貼約近千金之譜惟自附設以來凡入堂者均未能粗知普通之學而驟入高等肄業未免躐進凡在僚屬心切憂之現經卑職等最近調查河員子弟仍係初級程度居以多數且原定附設額數二十人未能多增凡有子弟者亦不免向隅是以公同籌議擬懇將前項經費撤回獨立一永定河兩等客籍小學堂以收事半功倍之效如蒙俯允房舍即假用李公祠後院其開辦經費由卑職等自行籌辦其常年經費應請即以收回津貼附設固安學堂之款按季由庫發給核實開支每屆年終造報一次呈請核銷除詳細章程俟奉批准另行稟呈外理合繕具簡章一扣預算表一扣稟請鑒核俯賜批示祇遵實爲公便計稟呈簡章預算表各一扣等情查該員等所稟河員子弟附課於固安縣高等學堂凡入堂者均未能粗知普通之學而驟入高等未免躐進且額僅二十人未能多增凡有子弟者亦不免向隅稟請將津貼固安縣學堂經費撤回獨立一永定河客籍兩等小學堂專課河員子弟該員等係爲培植後進起見事屬可行當經批准自明年開辦爲始常年經費按季由道庫發給以資籌辦飭擬詳細章程稟候詳咨並行知固安縣將津貼該縣學堂經費即自明年春季起截止給發去後茲復經各該員等擬就辦法大綱十條繕

摺稟請轉詳立案前來職道覆查永定河向有蘆溝橋小學堂一所原爲教育河員子弟而設於光緒二十八年經
衛前道稟蒙 前憲袁批准將接築北上石堤工程節存銀一萬五千兩一款發商生息作爲籌辦經費嗣因該學
堂地非適中管理諸多不便復經毛升道於三十一年冬稟請歸併固安縣小學堂內詎自歸併後已逾四年之久
與河員子弟實際毫無今既據該員等稟請將津貼一款收回自辦自應准如所請以順羣情而端蒙養除分咨外
理合照繕清摺據情詳請 憲台查核立案實爲公便爲此備由具呈伏乞 照詳施行

第一名稱 本堂謹遵 奏定章程高等小學立學總義章內第二節高等小學堂之教科與初等小學堂之教科

并置一所名曰兩等小學堂 第二宗旨 本堂係爲專課河員子弟而設應恪遵 奏定章程高等小學初等小

學立學總義第一節辦理以培養善性擴充知識強壯氣體爲宗旨 第三地址 本堂永遠借用城內永定公所

房舍爲高等講堂體息等室并借該所隔壁李公祠後院爲初等講堂齋舍重加修繕 第四經費 本堂開辦一

切修理講堂齋舍製辦棹槳及應用各物均由同人自籌其經常經費每年約在千金之譜已奉道憲批准自開辦

爲始按季由道庫發給 第五職任 本堂每年應設管理四員經理全堂事務由同人公舉稟請道憲派充一年

一任不取薪資如果經理完善次年即公舉接辦該員不得固辭教習二員稟請道憲咨請學憲派充講授經書并

各種科學兼任舍監體操稽查學堂等事司事一員由同人公舉會計出入賬目及各項冊簿繕寫榜文牌示堂役

二名專供洒掃差遣 第六學額 本堂原議高等二十名初等四十名第初等爲養正始基尤宜注重凡來報名

者均於開學前考驗一次選其程度較高者列入高等餘則悉列初等高等竄缺毋濫 第七招考 本堂招考學

生高等以讀過二經粗知文理算法爲合格初等以能讀書識字爲合格惟未開蒙者不收其年齡高等以十二歲

至二十歲爲限初等以八歲至十二歲爲限其學費高等每月取小洋五角初等取小洋三角學堂概不寄食宿如

有自遠方來者臨時再議 第八課程 本堂高等小學課程遵 奏定章程分爲九類曰修身曰讀經講經曰中

國文學曰算術曰中國歷史曰中國地理曰格致曰圖畫曰體操初等小學課程亦遵依 奏定章程分爲八類曰

修身曰讀經講經曰中國文字曰算術曰歷史曰格致曰體操 (表畧) 第九畢業 本堂已請立案應遵 奏

定章程高等小學四年畢業初等小學五年畢業屆時請學憲一體提考合格者補升各學不及格者留堂補習

第十條規 本堂各項條規悉遵 奏定章程管理通則詳細公議切實奉行
督憲陳 批如詳立案摺存此繳

文告錄要

督憲批示錄要○運司兼緝私局詳明許州緝私局員章令炳仁另候差委改派楊倅崇萱接辦由 批如詳派委
仰候咨明河南撫院轉飭所屬遵照此繳○漁業公司孫道詳覆漁稅商人王彤稟控包廷珍等抗不納稅現經
查明核議請批示飭遵由 批如詳飭遵稅票存此繳

保定商務總會工巡總局會銜告示○爲出示曉諭事照得案查本城鼓樓南大街四合號鐵器舖舖掌關洛印小
鐘樓胡同口順興和油坊舖掌李鳳桐因虧欠太鉅先後關閉潛逃經巡警二局王巡官來會通知當即派委會
董會同前往該兩號將其貨物傢俱點清查封各在案現經本會將該兩號貨物傢俱按件公估四合號鐵器舖
貨物傢俱價值京錢三十五吊順興和油坊貨物傢俱價值京錢二百四十七吊五百文均由該房主照價承買
正在核辦間復據商民冉凌雲稟稱商民有樓房一處座落大慈閣脇租與李洛殿等開設俱樂園飯舖李洛殿
等因無墊辦被債主逼分傢俱貨物躲避外走商民之房案連查封叩懇援案先行開封將俱樂園貨物傢俱變
價抵債等因當由本會會同巡警二局將該飯舖啓封並將該號貨物傢俱按件公估價值京錢二十吊亦由該
房主照價承買所有四合號等變價各錢均暫存本會誠恐該各號欠外之款各債主未及周知自應先行張曉
除查拏關洛印等務獲到案追究外合亟出示曉諭爲此示仰各債主一體知悉自示之後限十日內開具欠數
赴會呈明以按成分攤各宜查照凜遵毋得遲延自誤切切特示

保定商務總會牌示○爲牌示事宣統元年十二月初八日奉 督憲札開爲札飭事案查前准 度支部咨開通
阜司案呈竊查本年四月間本部曾經釐訂表式令各省官銀錢號迅將發行票紙數目及準備數目各項填寫
報部又於六月初七日具稟釐訂專章限制官商銀錢行號票紙一摺並擬定暫行章程二十條本日奉 旨
依議欽此欽遵行知各在案查該章程第八條內稱本章程頒發後凡照章准發此項票紙各行號只能照現在
數目發行不得逾額增發第九條內稱各行號須將現在發出實數按照部定表式填送到部等語查官設行號

爲全國銀錢行號表率應首先遵章造報以爲之倡部交到日各省督撫轉飭各該省官銀錢號將按年定造發行收回銷毀存庫各數目開列清單定期會同本部財政監理官印單查核有頒檢閱賬目及庫款者各行號立即呈閱符合與否由監理分別報部一面由各該行號照前次部頒表式填寫各數呈由督撫報部以憑核辦至各省商設行號除章程所開各條應一律遵守外其間發有票紙未經註冊領照者應由地方官通飭於限期六個月內趕緊備咨呈請地方官驗實送部註冊一面各將發行票紙數目開報毋稍玩延相應咨行直隸總督查照轉飭遵辦可也等因當經 前大臣端行知遵照在案查原咨內開各省商設行號除章程所開各條應一律遵守外其間發有票紙未經註冊領照者應由地方官通飭於限期六個月內趕緊備咨呈請地方官驗實赴部註冊一面將各現在發行票紙數目開報毋稍玩延等語自應遵辦現在限期已屆合亟札飭札到該會即將辦理情形迅速稟覆以憑核辦切切此札等因奉此合行牌示爲此牌知該行商等一體知悉現在限期已屆迅即來會取閱章程遵照辦理毋違爲要特示

畿輔近事

憲政編查館奏派人員○憲政編查館總務處幫辦汪詒書已

簡放山西提學使所遺之差經各王大臣奏

請以丁憂侍講宗室文斌充補並擬以劉福姚李景鈺汪曾武顧德鄰充編制局副科員林世燾邵福瀛充統計局副科員許寶蘅充總務處科員已於上年十二月二十九日奉 旨允准矣

民政部奏報各省巡警粗具規模○民政部奏報各省廳州縣巡警年內粗具規模情形一摺內稱光緒三十四年

十二月十一日憲政編查館咨政院會奏設立考核專科章程內開九年籌備事宜欽奉

懿旨責成內外

臣工每屆六個月將籌辦成績臚陳奏聞各等語除第一年第二年第一屆民政部應行籌備事宜業經陸續奏報外所有籌備巡警關係綦重應再專案奏明辦理查憲政編查館籌備事宜單開第二年各省廳州縣巡警限年內粗具規模民政部與各省督撫同辦等情現據各省咨部廳州縣巡警年內已粗具規模者如直隸吉林黑龍江江西甘肅湖南廣東雲南熱河等省冊表均已到部安徽省則僅將表式送部至順天奉天江蘇山東山西河南陝西新疆福建浙江湖北四川廣西貴州等省均尙未據咨送冊表有稱開辦實佔多數者有俟下屆彙報者

有先籌設教練所者有咨報設巡警若干處及尙待推廣者臣部於本年六月間業經咨催各省將現時廳州縣巡警實在辦法專案報部在案現在未經咨報省分尙屬不少總核各省籌備警政情形實力舉辦者固多而因循敷衍者亦在所不免似此辦理深恐於推行警政不無滯礙擬請 飭下各省督撫及各將軍都統等於應行籌備事宜按照期限迅速舉辦每屆六個月奏報之期分別詳細列表先期咨部以憑彙案奏報毋得稍涉含混致滋延誤以期仰副 朝廷籌備憲政之至意云云已於上年十二月十八日奉 旨著照所請該部知 道矣

官場紀要○本日恭逢

皇上萬壽聖節

督憲定於黎明率同文武各官赴

龍亭行禮○清河道段觀察書

雲山海關道周觀察長齡均於前日由任來津赴院稟見

再續天津小學分科研究會議案○(筆算)提議

勞生數法七十一三三十四五十七十九究竟有何看法

決議

(七)以上二十乘數之末位相減餘數七可減盡即可以七除盡 說理(三十爲三個七末位爲一十

位減去一個二十若末位爲二則十位減去兩個二十所以末位無論是幾即以二十乘之十位減去幾個二十

即與減去多少三個七一樣)又法四位數兩端數同中有兩圈者或五位數中有一圈兩端數同者及六位數

由中間分開兩數相同者均可以七除盡 說理(個位與千位數同以七分除之其餘之數相加七可除盡十

位與萬位數同以七分除之其餘之數相加以七除盡百位與十萬位數同以七分除之其餘之數相加以七除

盡) (十一)由末數起隔位相加餘數亦相加以兩加數相減或減盡或餘幾個十一均可以十一除盡 說

理(個位百位萬位百萬位之類數是幾以十一除之餘幾十位千位十萬位之類數是幾以十一除之餘幾個

十故減或餘幾個十一必可以十一除盡) (十三)四位數或五位數及六位數與七看法同(理與七同)又

法以九十乘數之末位相減餘數以十三減盡即可以十三除盡 說理(九十一爲七個十三故末位是幾減

去幾個九十即如減去多少七個十三一樣) (十四)凡數二可除盡七可除盡即可以十四除盡 (十五

凡數三可除盡五可除盡即可以十五除盡 (十七)凡數取末位以五十乘之相減或減盡或餘幾個十七

即可以十七除盡 說理(五十一爲三個十七故末位是幾減去幾個五十即與減去幾個三個十七一樣)

即可以十七除盡 說理(五十一爲三個十七故末位是幾減去幾個五十即與減去幾個三個十七一樣)

(十九)凡數取末位以一百七十乘之相減餘數以十九減盡即可以十九除盡 說理(一百七十一係九個十九故末位是幾減去幾個百七十即與減去多少九個十九一樣) 提議 有每一號列一式者有合數號列一式者究以何者爲是 決議 列式法先乘除後加減若每一號列一式又何貴乎列式則括弧亦可不必用矣(式畧)若無括弧則先除後加得數必誤矣 (仍未完)

各省近事

學務

法政學堂之通告

○奉天法政學堂發出通啓云本期校外生講義已發至五編其六編不日製出分發在即所有第二學期講義非先時籌有定數難以預置合行函知貴處請煩查照於正月十五日前將名單並第二期學費一併送交敝處以便豫備印刷講義此佈條件列後 一各府廳州縣向由長官解送者仍按名查照第四編末章程依期解送 二自行報名者亦須依期豫繳書價並分別自領郵寄添發執據爲定 三第一期考交卷日期本省者業已逾限未交試卷者尙不乏人其居住外省題到較遲或有意外遷延勢不能不稍事寬假無論外省本省統限宣統二年正月十五日前交卷以便較閱並發給學期修業文憑逾限概不復閱 四宣統二年第一期校外生照章正月報名如有欲爲本堂校外生者務須依期報名豫繳書價三元六角(郵寄加費四角)發給證券爲定 五購閱本講者其住址隸於教育會警務局學堂各項局處者不少但報名參差以致寄書亦分先後殊多不便倘能將書費按名彙齊繳納以期同時發書供閱則簡便尤多

初等小學添辦八區○蘇垣初等小學提調徐分轉以小學爲初學根基省城開辦初等小學以來風氣開通就學日衆前經開辦三十二區嗣因去年奉學司飭辦模範簡易識字學塾未能同時並舉本年添辦八區辦足四十區以符奏案業經詳奉撫學憲批准照會總理章孔二紳照辦現擬覓定校址延訂教員後定於二十左右開學

實業

設立蠶桑局請頒圖記○浙省永康縣崔大令劍近日詳請勸業道董觀察署謂據永邑生員徐文治等稟請在邑城擇定官荒地畝設立蠶桑局備有簡章叩乞轉詳道憲頒發圖記並請先行立案等情當奉觀察批謂來詳暨

簡章並悉據該生員徐文治等在該縣馬灘荒地自馬綜嶺大路溪沿至西泮橋一帶栽種桑柞定名永康蠶桑局並擬籌辦蠶桑講習所種植蠶桑亦係實業自屬可行惟所稱馬灘荒地共有若干畝分是否官荒抑係民荒未據聲叙無從核辦仰即查明並繪圖呈核再行立案頒給圖記

詳辦林業教員講習所○湖北當道近年講求實業議設農工商小學以教貧寒子弟惟此項教員頗少專門人才故先後開辦農工商教員講習所三區茲暨學司齊文宗以森林之學亦為富國要素特詳准督院在大貢院內組織林業教員講習所招考中學以下畢業生百二十名肄業定於今春開辦其經費即在學務公所撙節項下開支限一年半畢業分派各屬擔任教務

各國新聞

英大將對於澳洲之軍政○路透電云澳洲電云英國前駐印度陸軍統帥吉青納爾子爵（現在澳洲訓練陸軍）聲稱澳洲軍人之性質頗為聰明甚可訓練吉氏擬招集八萬人以四萬人防守各城港以四萬人備戰爭之用並在澳洲西部設立陸軍學堂一所各隊兵士訓練三年後即派往英國或印度練習聯絡戰法所有武員均須慎選合格之人其餘一切法則尚可從緩舉辦並須籌撥一百七十四萬二千鎊以充經費

俄國對於錦愛鐵路意見○路透電云俄國對於錦愛鐵路意見與日本相同現俄國仍候中國對於該路之辦法德國巡警與會黨衝突○路透電云德國有數處因改良選舉表式巡警與社會黨大起衝突在紐曼斯德地方巡警以軍械攻擊社會黨員斃數人傷多人

英國海軍大操○路透電云英國海軍大將威洛森氏現率領防守本國艦隊第二部在葡西兩國領海舉行大操此為初次在外國領海大操

法國令摩王簽約○路透電云法政府現知照摩洛哥王於十七小時之內將摩國借款之約批准簽字法京設立摩國公司○柏林電云法京現設立摩國公司專承辦摩國工程資本共籌二百萬佛郎在法國籌借百分之五十在德國籌借百分之三十在他國籌借百分之二十

希王召子議事○柏林電云希臘國王因內政紛亂召其子議訂辦法現在儲君專候希王之諭施行

第六十一條 區董事會應辦事件如左

一區議事會議員選舉及其議事之預備

二區議事會及總議事會議決各事之執行

三以律例章程或自治監督委任辦理各事之執行

四執行方法之議決

第六十二條 區董事會於區議事會議決事件視為踰越權限或違背律例章程或妨礙公益者得聲明緣由交

區議事會覆議若議事會堅持不改得移交總議事會公斷不服者照第三十六條第二項辦理

第六十三條 總董總理本會一切事件凡區董事會公文函件均以總董之名行之

第六十四條 董事及辦事員輔佐總董分任本會一切事件

第六十五條 名譽董事參議本會應行議決事件

三會議

第六十六條 區董事會每月舉行職員會議二次每屆會議由區董事會文牘員將本屆應議事件距開會二日

以前通知各職員

第六十七條 會議時以總董爲議長 總董如有事故按照第五十六條以其代理者爲議長

第六十八條 會議時非董事會職員全數三分之二以上到會不得議決議決方法照第四十條辦理 會議時

辦事員就該管事務亦得到會與議

第六十九條 會議時區議事會議長副議長議員均得到會陳述所見但不列議決之數

第七十條 會議事件有關係區董事會職員本身或其父母兄弟妻子者該員不得與議總董如有前項事由照

第六十七條第二項辦理董事名譽董事全數三分之二以上有前項事由因而不能議決者將該件移交區議事會代爲議決

第七十一條 凡議決事件應隨時報告區議事會並呈報自治監督存案

第三章 總議事會及總董事會

第一節 總議事會

一員額及任期

第七十二條 總議事會議員以各區議事會議員十分之一爲定額

第七十三條 總議事會議員由各區議事會於議員內互選兼充其選舉事宜照另定章程辦理

第七十四條 總議事會設議長一名副議長一名均由議員用無名單記法互選其細則以規約定之

第七十五條 總議事會議員及議長副議長之任期改選補選等項照第二十三二十四二十六二十七二十八條辦理

第七十六條 議員及議長副議長均爲名譽職不支薪水 議長副議長有辦公必需之費用得給相當之公費其數目由總董事會定之

第七十七條 總議事會得設文牘庶務等員其員額薪水以規約定之文牘庶務員不限以選民由議長副議長遴選派充

二職任權限

第七十八條 總議事會應行議決事件如左

一 關涉京師地方全體自治範圍內應行興革整理事宜

二 各區通行之自治規約

三 本會應需自治經費歲出入預算及預算正額外預備費之支出

四 本會自治經費歲出入決算報告

五 本會自治經費籌集方法及地方全體擔任之公益捐

六 本會自治經費處理方法

七 本會選舉上之爭議

咨部核定摺

贛撫馮奏兩次裁減冗員節省浮費情形摺

十五日

禮部奏籌備立憲事宜酌擬辦法摺

度支部會奏覈覆科布多辦事大臣奏阿爾泰歲收哈

薩克租馬數目摺

十六日

護滇督沈奏遵查禁煙情形 飭部籌辦鑛務以資抵

補摺

又奏滇省釐稅銳減艱窘萬狀懇 飭部撥濟片

魯撫袁奏優級師範選科學堂辦理情形片

贛撫馮奏裁撤糧道籌議巡警勸業各道事宜摺

十七日

郵傳部奏天津交通銀行裁撤總辦歸併京行兼理片

吏部奏遵議酌減考取小京官年限摺

江督端等奏江南賑捐及七項常捐遵限停止並請接

展兩項部摺摺

又奏蘇藩瑞激病請給假片

又奏委左孝同等署蘇藩各缺片

十八日

郵傳部奏江西鐵路舉派協理摺

川督趙奏調用奉天被參各員周肇祥等已著成效懇

恩開復摺

又奏請王曾俊等一併 加恩片

桂撫張奏添設巡警道缺遴員請 簡摺

又奏署來賓令羅廷珍破壞選舉事宜請革職片

十九日

憲政編查館奏核覆自治研究所章程摺

會議政務處奏議覆東督奏酌擬裁併添設改升各缺

摺

魯撫袁奏設立幕職分科辦事摺

又奏署內設立籌備憲政考核處並附設官報片

二十日

郵傳部奏派員測勘開徐海清路線摺

郵傳部奏請獎給各國洋員寶星摺

大理院奏籌備關係立憲事宜摺

川督趙奏創辦征局現在變通辦法摺

二十一日

東督徐直督楊奏揀員請補奉天東邊道員缺摺

陝撫恩奏參考刑律草案分條簽註摺

蘇撫陳奏辦理禁煙情形摺

江督端等奏京口學堂練兵等經費指款籌撥片

二十二日

農工商部奏籌議推廣農林先行擬定章程摺

東督徐奏設立營口新民各級審判廳摺

桂撫張奏詳陳禁煙辦法摺

甘督升奏添辦教育官報片

二十三日

度支部奏議覆鄂督奏酌加契摺摺

東督徐等奏參考刑律草案簽註各條摺

又奏調東陸軍第一混成協正餉加餉擬由鹽釐款內

騰挪應付摺

庫倫辦事大臣延祉等奏克勒司金廠仍暫開辦片

二十四日

民政部會奏違警罰例與現行律不能並行各款擬請

折衷辦理摺

郵傳部奏核減電局用款摺

東督錫奏請調人員摺

魯撫袁奏特保賢員摺

晉撫寶奏改設巡警道遵員請

簡摺

二十五日

陸軍部奏議覆校閱大臣奏陸軍第四鎮請獎分別准

駁摺

又奏議覆校閱大臣奏統制吳鳳嶺等擬請分別獎叙片

又奏議覆校閱大臣奏楊善法等分別請獎片

又奏議覆校閱大臣奏武職各隨員照章請獎片

法部會奏懇撥製造庫建築地方審判廳公署摺

二十六日

東督徐奏奉省設立清理財政局派員開辦日期片

又奏酌定僉事養廉片

江督端等奏銀價益漲州縣賠累更請仍改征銀解銀

另收公費摺

又奏上海自來水設法改良暫由官督紳辦片

二十七日

度支部奏派員接充庫倫山西各分銀行總辦片

會議政務處奏議覆丁憂漢員投效滿員當差酌訂章

程摺

東督徐奏籌設奉天高等學堂摺


二十八日

直督楊奏統將丁憂擬請開去總兵底缺仍留原差摺

直督楊奏直隸練餉局籌撥法律警務學堂等款請立

案摺

又奏青縣職紳甯世福創辦學堂請獎片



肥鄉縣巡警馬隊官師巡兵合影

絕處逢生

上海某西婦嘗受咳嗽之磨難風溼之慘苦臥床多日無望求痊後得救命靈丹即服韋廉士大醫生紅色補丸而獲十分全愈焉


韋廉士大醫生紅色補丸所有治愈各疾之功效兼筆紀載迄無盡日常有新保證書承各處感恩之人每日紛紛投贈應接不暇是皆稱述其能離疾病痛苦而得全愈康強者因服天下最著名之韋廉士大醫生紅色補丸也近又接奉一函係上海斐倫路一白號瑣瑣法夫人所遺者夫人乃老沙遜洋行收帳人之妻也函中詳述其如何患病如何獲愈之情形本局調查確實譯錄如左云○去歲余覺胸膈凝積不舒咳嗽此劇親友見之莫不憐其至胸

治愈瑣瑣法者乃韋廉士大醫生

夫人嘗患咳嗽風溼得韋廉士大醫生紅色補丸而獲愈



紅色補丸非紅衣紅血等丸也



胃假鐵影防誦樣真明認細仔
痛難忍呼吸吸維艱夜間咳嗽尤甚竟有咳至一
句鐘之久有時不寧止者又兼風溼骨痛盤旋上
下有時在足有時在手有時在手如此慘苦不
堪卒受鎮日臥床莫能興起延醫服藥一冬之
久雖承醫士盡心調治無奈全賴牛乳聊延喘復
發胃口閉塞飲食無味今夏六月適有申友曾
多人瘦面無血色及至全愈者勸余試服韋廉士大醫
患風溼骨痛而獲愈者勸余試服韋廉士大醫
生紅色補丸一瓶之後覺有轉機遂接連服之
直至胸膈十分強健風溼骨痛全愈而後已今
則所有一切痛苦消除咳嗽亦止胃口復原願
貴藥局將余證書隨函錄以告同病者是幸
韋廉士大醫生紅色補丸治愈瑣瑣法夫人之原
因即其所生稠紅之新血使之肺部也是丸常連
除其風溼之毒酸以滋補其全身也

行血中之力曾醫治無數之人所患各症即如血薄氣衰腦筋虛弱少年斷喪陽萎不舉胃不消化
肝經失調頭痛背疼山林瘴氣腎疼痠痛筋系刺痛左癱右瘓跳舞瘋病脚氣衝心乾濕癩癩
皮膚諸症以及婦女經水失調氣鬱不舒等症莫不藥到春回立奏奇功矣韋廉士大醫生紅色補丸中
國各處藥局凡經售西藥之處均有出售或直向上海四川路第八十四號福利公司隔壁韋廉士大醫生藥局中國
總發行購買或向四川重慶白象街購買亦可價銀每一瓶大洋一元五角每六瓶大洋八元遠近郵費一律不取

上海四川路第八十四號韋廉士大醫生藥局啓

天津商務印書館廣告

本館新辦十餘年編譯書籍將及千種茲特印成書目提要一册欲閱者請向本館索取遠地函索即當寄奉

附 郵票購書章程 凡值信局郵局不能匯兌款項之處其書價及寄費可用郵票為代辦法如下(甲)郵票以一角二角者為限如有零數可將一二分者合足三角以上之郵票不收(乙)郵票抵實洋以九五折計算如寄郵票一元僅能購書九角五分(丙)郵票有污損及不能揭開者不收(丁)寄費照書價加一成(戊)寄費至少須五分

歲逢庚戌萬象更新本館特製月份牌一種文雅富麗兼擅其勝專備 購書諸君贈品以助雅興凡購本館書畫圖書 滿現洋二元者謹贈月

份牌一張滿四元者二張 餘可類推 不滿二元者不贈訂定正月初十日贈起至二月初十日止 如期內業已完則當改贈他書臨時再行佈告

書目提要

本館新辦十餘年編譯書籍將及千種茲特印成書目提要一册欲閱者請向本館索取遠地函索即當寄奉

附 郵票購書章程 凡值信局郵局不能匯兌款項之處其書價及寄費可用郵票為代辦法如下(甲)郵票以一角二角者為限如有零數可將一二分者合足三角以上之郵票不收(乙)郵票抵實洋以九五折計算如寄郵票一元僅能購書九角五分(丙)郵票有污損及不能揭開者不收(丁)寄費照書價加一成(戊)寄費至少須五分

天津分館開設河北大胡同 電話五百二十六號

商務印書館啟

北洋師範學堂招考自費生廣告

本堂專修科畢業明歲添設優級完全科初級師範補習科招收官費各生均經分別詳咨督憲提學司通飭各屬并分咨山東山西河南東三省選送在案惟津地五方聚處外省人士志在嚮學者頗不乏人茲特查照舊章每科招攷自費生十名如有志入學者應即遵照後開條例來堂報名聽候定期考試勿誤為要

一分科 (甲)優級完全科 (乙)初級師範補習科 **一資格** 不拘籍貫 (甲)科中學堂及初級師範完全科畢業者 (乙)科初級簡易二年以上畢業報司有案者

名 自宣統元年十二月二十日起至宣統二年正月二十日止親到本堂呈驗文憑備具像片填寫履歷 **一獎勵** 與官費生一律無異 **一報名**

考試 (甲)科按照中學堂及初級師範課程考試 (乙)科按照初級師範簡易科二年課程考試錄取後應即取具妥實保人保證書備案 **一學膳費** 全年九十六元每年分正月七月兩次繳納書籍操衣均自備 **一地址**

天津河北新開河

北洋師範學堂添設優級完全科廣告

本學堂添招優級完全科學生當經咨請 提學司通飭各屬文選在案諸生如有志入學者務即於定期以內呈請各該地方官備文申送幸勿自誤茲擬定條例如左

一學額 百二十名 **一學科** 按照部章辦理 **一資格** 曾在中學堂及初級師範完全科畢業

一獎勵 俟畢業後查照定章請獎 **一報名** 自宣統元年十二月二十日起至宣統二年正月二十日止親到本堂投文呈驗憑照并各具像片一張填寫履歷聽候定期考試

各科功課程度分科考驗錄取後應繳呈保證全十元俟畢業後發還 **一考試** 按照初級完全科及中學堂 **一學膳費** 官費 **一書籍摻**

衣自備 **一地址** 天津河北新開河

新 啟 告廣司公限有灰洋



啟者本公司係承受唐山洋灰公司老廠另購外洋最新式機器旋窰等創設新廠自丁未臘月新廠開機以來出貨加增行銷愈廣灰質經本廠西洋化驗師悉心研究精益求精會寄由德國國家栢林及日本關東都督府各化驗所驗得勁力堅力及凝結時刻灰之粗細均合要工所用其成色與外洋最高之貨相等尚有機器製造之缸磚花磚洋灰瓦水溝管矸子土等項無論躉零交易均可本公司總理處設在天津海大道英租界並在天津英租界大連煙台牛莊青島上海漢口南京鎮江各埠均設有經售處如蒙賜訂大批價值從廉交貨不悞期限所有洋灰及各種磚瓦等件重量式樣大概用法另刊有華洋文廣告 光顧諸君請向本公司索閱面議一切可也

德律風一千二百零九號

洋 行

本行開設天津上海香港志呢華海參巖等處均設有年諸班貨物由外洋本機器廠自造法蘭洋鐘皮套鐘天文坐卦等鐘以及金銀夾金銅鋼等表約有二百餘宗並各樣表鍊金鑲珠寶鑽石成留耳墜獨子表墜大小八音盒並留聲話匣單雙桶千里眼磁蘭馨花翠衣鏡梳梳洋鏡大小皮包法國洋號多新到轉盤換計匣八音盒價值格外從廉什貨官商光顧者請移玉紫竹林法租界本行面議可也 本行主人啟

瑞林祥元記 綢緞洋貨莊

本行開設北京前門外鮮魚口天津估衣街中間路北山東濟南府院西路北自置綢緞紗羅顧繡粧蟒洋貨布疋各色喇厚呢京廣什貨俱全貨高價廉劃一不二後廳內專售線貨織絨袍料衣被套口袋線毯毛毯零賣均照行價發兌中外 紳商賜顧移玉是幸 瑞林祥元記具

武 齋

本行開設天津 於茲二十餘年 自運各種洋貨 絨紗布匹綢緞 繡花屏風鏡類 磁銅料器 奇巧美術玩器 學界文房用品 旋行携帶等件 精工變身物料 定織各色席氈 現又擴充樓房 極其寬闊高大 如蒙官商光顧 價值格外從廉 本行隨便入覽 電 一千三百七十四號 天津法租界 武齋洋行謹啟

報考直隸高等工業學堂諸生鑒

凡報考曾在中學肄業一年及高小畢業並修業二年者務於十五以前携帶文憑像片親正本堂報

到准於十八日上午九鐘試漢文下午一鐘考試英文算學所有應考諸生屆期務宜携帶筆墨早到為盼

北洋股票交通有限公司遷移廣告

逕啟者敝公司於光緒三十四年十一月間詳蒙北洋大臣批准設立其宗旨在於流通股票行用利便期人人物起股分思想俾實業自逐漸發達之機而免貿易無門入股者因而觀望溯自開辦以來交易甚夥成效頗著誠為始料所不及惟原借北馬路售品總所本係權為會議辦公之區其房屋稍覺窄狹不足以昭接待來賓之誠意今准於宣統二年正月初一日遷移北馬路北洋天津銀號門內面北樓上房間較前寬大遇有出進股票者接洽頗形方便特此登報聲明即請光顧諸君移玉是幸

北洋股票交通有限公司謹白

北洋師範學堂招考初級師範補習班廣告

一學額 百二十名 二學科 修身教育國文經學歷史地理算學理化博物日語英語圖畫體操
 二十歲以上二十七歲以下 四資格 曾在初級師範簡易科二年以上畢業領有文憑者 五期限 三年期
 滿升入本堂優級師範科 六獎勵 俟優級師範科畢業後查照定章請獎 七報名 自宣統元年十二月初一日起至宣統二年正月二十日止各具照像片一張親赴本堂報名處填寫履歷呈驗文憑聽候定期考試
 一日起 按照初級師範學堂第二各科目課程度分科考驗錄取後應繳呈保證金十元俟畢業後發并還取具
 妥實保人保證書備案 九學膳費 官費 十書籍 操衣自備 十一地址 天津河北新開河

北洋師範學堂招考音樂體操講習班廣告

一學額 六十名 二學科 修身教育國文歷史地理英文算學圖畫手工格致唱歌樂器樂典音譜體操遊戲
 兵學生理 三資格 漢文通順體格健全向無疾病嗜好者 四年齡 十八歲以上二十五歲以下 五期限 三年期
 三年畢業 咨請提學司派充各屬教員 六報名 自宣統元年十二月初一日起至宣統二年正月二十日止各具像片親赴本堂報名處填寫履歷書聽候定期考試 七考試 檢查身體試驗國文論說一篇錄取後應繳呈保證金十元俟畢業後發還并取具妥實保人保證書備案 八書籍 操衣自備 九地址 河北新開河

本局廣告

本局承辦印刷研究
精良近益不惜重資
延聘外洋著名工師
添購新式機器精製
雕刻銅版所有承印
各種紙幣股票等件
圖畫精巧色澤鮮明
紙質堅緻屢蒙中外
官商照顧頗加獎
譽茲為推廣招徠起
見自本年起承印各
項價目格外減讓以
副官商雅意如蒙
賜顧請至本局照
房面議可也

北洋灤州官鑛公司開收第二期股本廣告

告

啓者本公司原招股本係分兩期核收分填天字地字兩項股票茲特定
期將地字股本收足自本年正月十五日起望持天字股票為憑以便驗
票收款天津本埠以三個月為限交法界五號路十四號門牌本公司總
理處其外埠較遠以五個月為限仍交各處天津分銀號均先發執照一
個月後換取地字股票如逾限不交當查照本公司招股章程第十七條
辦理合先登明此啓

左龔集出版

近揚州劉中叔先生師培將平昔考訂經史之文編為左龔集刊板印行
書計六册刻工印工均臻美善定價三元五角寄售處北京琉璃廠二酉
齋天津東門外金獅子胡同寶森堂書鋪 國學保存會啓

京奉鐵路緊要廣告

本局現定得宣統二年正月初六日即西歷一千九百十年二月十五號
起所有短期免票一律改換顏色其從前所發之短期免票無論逾期與
否一概作廢特此廣告